

廣州府志卷一百三十九

列傳二十八 方伎

支法存 晉

崔煒

楊居士

僧徽

張詢 以上唐

林楚材 南漢

周茂元

周克明

陳昭遇

戴生 以上宋

林無齋

鄧宥

胡沙刀 以上元

劉邦永

劉思永

李九

劉杰

周覺

譚明道

趙玉芝

廣州府志

卷一百三十九

列傳二十八

林良 子郊

官能

張譽

顧宗

黃貞

廖翼

上寮翁

呂誠

李秩

萬國楨

朱完

孔伯明

陳半仙

林宅隅

詹師

賈璵

陳孟長 以上明

翟登雲

方洪石

洗嘉徵

陳壽

蘇才御

張穆

高儼

賴鏡 僧 深度

胡汝巘

王蓋臣

梁錦里

文斗

郭治

陳體全

阮遂松

釋幻鑒

陳堯軒

郭適

黃子健

李果吉

陳世堂

杜游

薛大慶

莫顯誠

陳應選 梁 星朗

梁漢鵬 陳 寶興

顧鸞

鄭爵

梁素 周 文龍

陳國棟

胡稔

廣州府志

卷一百二十九

列傳二十八

二

甘爨講 父 作 孫 允 枝 斯

子 常 廣 姪 孫 允 如

李世沛 子 獻 懷

李元基

何天補 子 廷 橋 廷 機

劉乾淨

梁才信

蘇六朋 父 奕 舒

湛菊生

崔必鈺 汪 鳴 岐 以上 國 朝

晉

沙門有支法存者本自胡人生長廣州妙善醫術遂成巨富有八尺毳毼光彩耀目作百種形象又有沉香八尺板牀居常香馥太原王揆為廣州刺史大兒邵之屢求二物存不與王因狀法存豪縱乃殺而藉沒其家財焉法存死後形見於府內輒打閣下鼓似若稱冤如此經曰王尋得病恒見法存守之少時遂亡邵之比至揚都亦喪 異苑

唐

崔煒者故監察向之子也向終南海從事煒居南海意豁然也不事家產棲止佛舍時中元日番禺人陳設珍異集百戲於開元寺煒因窺之見乞食老嫗因蹶而覆人之酒甕當爐者毆之計其值一緡耳煒憐之脫衣爲償焉嫗不謝而去異日又來告煒曰謝子脫吾難吾善灸贅疣今有越井岡艾少許奉子每遇贅疣但一炷耳煒笑而受之嫗倏不見嫗者仙人葛洪妻鮑姑時行灸南海者也後遊海光寺遇老僧贅於耳煒出艾試灸之而如其說僧感之甚謂煒曰貧道無以奉酬但諷經以資郎君福祐耳山下任翁藏鏹巨萬亦有斯疾君子能療之當有厚報請爲書導之煒曰然任翁聞喜躍禮請甚謹煒遂出艾一灸而愈翁酬以錢十萬因留之先是翁

廣州府志

卷一百二十九

列傳二十八

三

家事鬼曰獨腳神三歲必殺人以饗時求人不獲遂召其子計夜半殺煒翁有女密知之潛持刃於窗隙間告煒煒恐揮刃攜艾斷窗櫺躍出走墜枯井中井深百餘丈不能出有白蛇脣吻亦有疣焉煒啟蛇灸之贅應手墜地蛇蜿蜒將有所適煒又啟蛇拯援遂再拜跨蛇而出歸廣州已三年矣徵任翁之室則村老云南越尉佗墓也初煒在枯井其石曰巖上有物滴下如飴蜜注曰中蛇就飲之煒亦飲其餘蓋龍沫也於是肌膚少嫩筋力輕健後居南海十餘載散金破產棲心道門往羅浮訪鮑姑竟不知所適

太平廣記

楊居士無名亦不知何許人嘗遊南海人不知其所止有奇術每至郡會太守好奇聞其來甚喜厚禮之其僕偶忤太守不能容遂疏之後太守會宴於郡齋閱散樂而居士不得與

席時有數客亦不在太守召中固謂居士曰先生自負有奇術今大守宴客於郡齋而遺先生獨不能設術動之乎居士笑曰此末術耳因命具酒使客環席而坐又命小童入西廡下空室久之乃啟其門有三四伶人自廡下來攜樂器至諸客驚異乃命列坐奏樂具歌客或訊其術但笑而不言飲至夜分居士謂諸伶曰可歸矣於是皆退入西廡下空室中客相目疑其鬼物妖惑明日有說者曰太守昨夜宴郡閣諸伶人列坐無何皆仆地瞬息又有大風飄其樂懸而去迨至夜分諸伶方寤樂懸亦歸於舊所太守質問諸伶皆云黑無所見竟不能窮其由諸客大驚因以此事告太守太守歎異卽謝而遣之不敢留於郡楊歸隱山中不復露其術

張府志

僧徽善畫龍齊已有謝徽上人惠二龍障子詩云近有五羊

廣州府志

卷一百二十九

列傳二十八

四

徽上人閒工小筆得意新畫龍不誇頭角及鬣麟只求筋骨

與精神

白蓮集

張詢字正言南海人也鄉薦下第久住帝京精於小筆中和年隨駕到蜀與昭覺寺休夢長老故交遂依托焉忽一日長老請於本寺大慈堂後留少筆蹤畫一堵早景一堵午景一堵晚景謂之三時山蓋貌吳中山水頗工畫畢之日遇僖宗駕幸茲寺盡日歎賞王氏朝皇太子簡王欲要遷於東宮爲壁泥通枋移損不全乃寢前命

黃休復益州名畫錄

五代

林楚材故番禺布衣也不測其爲何人大寶末有稻田自海中浮來上魚藻門外民聚觀之楚材見而歎曰水魚湫湫兮當時好事或有記其語者及宋師至潘美爲都部署方悟爲

潘字

十國春秋

宋

周茂元傑之子也生而穎異能繼父志世其學事高祖至司天少監及後主降宋茂元從之授監丞卒

十國春秋

周克明字昭文南海人曾祖德扶唐司農卿祖傑父茂元俱精於數術克明世其學凡律歷天官五行讖緯及三式風雲龜筮之書靡不究其指要開寶中授司天六壬改臺主簿轉監丞五遷春官正克明頗修詞藻喜藏書景德初嘗獻所著文十編召試中書賜同進士出身三年有大星出氏西眾莫能辨或言國皇妖星爲兵凶之兆克明時使嶺表及還亟請對言臣按天文錄荊州占其星名曰周伯其色黃其光煌煌然所見之國大昌是德星也臣在塗聞中外之人頗惑其事

廣州府志

卷一百二十九

列傳二十八

五

願許文武稱慶以安天下心上嘉之卽從其請拜太子洗馬殿中丞皆兼翰林天文又權判監事屬修兩朝國史其天文律歷事命克明參之大中祥符九年坐本監擇日差互例降爲洗馬天禧元年夏火犯靈臺克明語所親曰去歲太白犯靈臺歷者悉被降譴上天垂象深可畏也今熒惑又犯之吾其不起乎八月疽發背卒年六十四克明久居司天之職頗勤愼每奏對必據經盡言及卒上悼惜遣內侍諭其孀直龍圖閣馮元令主喪事賜賻甚厚初諸僭國皆有纂錄獨嶺南闕焉惟胡賓王胡元興二家纂述皆不之備克明訪耆舊采碑誌孳孳著撰裁十數卷書未成而卒

宋史方伎傳

陳昭遇嶺南人

張府志南海人

醫術精驗太平興國初授詔與王懷

隱等編類經驗方一百卷太宗御製序賜名曰太平聖惠方

昭遇加光祿寺丞賜金紫

宋史王懷隱傳

戴生番禺人以術遊臨安時陳聖觀爲常博戴許以必當言路未幾安邊所主字鄭應先語及戴術云渠謂常博必當言路且與吾鄉丈郭閻爲代只候其他除卽見旣而張志立自小坡出爲右史守永嘉而陳文龍冠象論浙西憲洪畏去職時長臺陳伯大求去甚力郭與陳堅卽皆序升代之爲小坡而聖觀與徐卿孫並命爲察實代郭云周密癸辛雜識林無齋佚其名新會大澤那西村人與陳考同時學道術相傳陳在羊城祈雨有司問所須陳云須神廟前泥馬作法雨降陳遂乘泥馬而去陳年一百二十八歲別見耆壽傳無齋能用五雷法尤善祈雨俗傳其幻術甚多或置屐化鯉或剪簞成魚午餉佃人無齋自炊輒遣婦去一日婦擷菜屋後見

廣州府志

卷一百二十九

列傳二十八

六

一老父疾喚曰速歸救乃夫婦奔入門見無齋以一足代薪火正熾失聲大呼無齋曰命也死矣因謂所親此土地神所爲怒我平時敕其代看守牛犁報復我也我死可置火炭口中葬前山正對其廟已而果死婦如其言廟果焚再建再焚鄉人乃改築土壇自長叢竹爲衛人莫敢折神旋示夢曰吾當避之往開平水口矣閻龍坑虎山上立有石碑鑿感應仙師林無齋真人數字俗呼祈雨碑至今鄉人祈雨猶至碑下或曰林無齋祈雨碑不止一處云採訪冊鄧宥字普世宋元間人得道術爲鄉里救災捍患久之騎虎而去邑人奉之爲神明立廟祀之廟前水關及橋皆以騎虎

名採訪冊

元

胡沙刀三水人力舉千鈞善舞沙刀後徵爲扈駕將軍時稱爲胡沙刀云

張府志

明

劉邦永從化人少孤貧樵於山中有異人授以岐黃之術及上池刀圭之法久之盡其秘歸以醫行世視病多望形察色或以一指按脈卽知吉凶可治者輒喜與藥不問直不治者則不與藥泣問之則以指示數曰某日去矣無不驗者嘗爲一陳嫗治病嫗請其年數邦永以竹爲籌封置缶中與之曰歲取一籌已而探籌盡果死所傳惠濟方四卷

張府志

劉思永羊城人以上池之術兼通太素王梧岡按粵已及瓜代者且至矣劉診王脈謂王行未有期王問故曰驛馬不動居無何代者中道以憂歸王數月駐南雄不得去去之日劉

廣州府志

卷一百二十九

列傳二十八

七

復勸王亟反初服王猶豫未決未幾王竟以言事得罪大中丞陳如岡問劉吾何時得遷劉曰相公遷期近矣顧未得當

意耳逾月如岡報罷

粵劍編

李九南海人生而神異嘗之市中途阻水棄屣涉乞隴耕者爲守耕者謂耰且畢誰爲若守履耶忽雙鯉魚遊戲禾間耕者爭攫取抵暮九市還顧耕者猶未卒前業也收履去魚亦

隨沒人始悟其幻戲焉

九官廟碑

劉杰字春沂東莞人警敏多藝能於天文推步之學皆洞徹微奧西人龐迪莪三陵嘗與辨論自以爲不及萬厯中歲星失度詔求巖穴知厯者杰獻厯考芻言萬餘言神宗欲徵用之以老疾辭不赴嘗夜觀天象語人曰今歲奎躔牛女分次在粵粵其出狀頭乎已而黃土俊果魁天下著有尺五談天

羅經解畧造葬全書奇門指示天文圖羅經圖又創作百刻香袖中曰晷馬上羅經行於世

張府志

周覺字了元東莞人性好測驗精天文術數之學嘗言旱乾水溢皆本五星盈縮凌犯而星之失度離次直可預計於百年之前人初迂之久而四時晴雨一一服其臆中崇正初覺告人曰主人英敏震厲而紫微暗白狼晶晶芒角賴弧矢張鏘注之今恐不可遏矣貫索內有星主多罪臣元象凌替如此杞人之憂其在癸甲間乎時兩廣總制熊文燦善談兵以禮聘不應強之始出草冠破履不修容止熊與語大悅餽以百金出遇貧者輒贈之及抵家則金盡矣熊使偵之敝緼如故益奇之丁亥度嶺不知所終

阮通志

譚明道字廷鑑南海人幼習舉業不偶乃潛心六壬太乙奇

廣州府志

卷一百二十九

列傳二十八

八

門三式易卦多奇驗必以早卜故問者不憚百里輒黎明候於門巷晚年瞽占乃益神有卜所居及失物者主前後各有蛇作崇且老馬埋骨其下其失物者非財帛金錢乃祠堂神主耳果然眾訝其有奇術答曰非也卯酉爲人家門戶太乙加臨勝光伏焉木落空山無氣故知之年八十卒

阮通志

趙玉芝番禺人因中官高諒進以曉方術累擢太常卿丁母

憂特賜祭葬大治瑩域制度踰等事敗戍邊

明史倭倖傳

林良字以善南海人著色花果翎毛皆極精巧其放筆作水墨禽鳥樹木遒勁如草書人亦不及初良少時充布政司奏役布政使陳金假人名畫良從旁疵評金怒欲撻之良自陳其能金試使臨寫驚以爲神自此騰譽縉紳間後拜工部營繕所丞直仁智殿改錦衣衛鎮撫同時畫者劉鑑以松鍾雪

舫以春草陳瑞以驢後有何浩亦以松著皆不及良名之盛
云子郊字子遠傳其業宏治七年詔選天下畫士郊中第一
授直武英殿錦衣衛鎮撫據張府志圖繪寶鑑參修

官能香山人千戶所小旗也生有巧思成化間林良方以寫
花鳥擅名能欲抗衡乃精繪鱗鬣妙入神品意愜飛動士大
夫攜縑紙詣門者無虛日阮通志

張譽字仲實號莪石南海人曲江文獻公之裔能詩善書工
畫山水人物花鳥草蟲白描出李龍眠之右筆墨精妙種種

過人圖繪寶鑑

顧宗字學淵五羊人任中書舍人畫學黃子久圖繪寶鑑

黃貞字仲亨東莞人性絕巧能製金石竹木諸玩器乃雕刻
印紐爲天人山鬼螭虎白澤飛狐蟲鳥各依玉石之色點黃

廣州府志 卷一百二十九 列傳二十八 九

綴白一一天成鄺湛若有寶安山人黃仲亨刊玉歌張府志

廖翼字飛卿南海人宏治中爲蒙師善堪輿之術落魄隱山
水間託於辟穀服氣顏色如童後不知所終阮通志

上寮翁不知姓名順德人居上寮里世業鴨以雌鴨伏卵其
法始集卵五六百爲一筐置之土壚覆以衣被環以木屑種
火其中設虛筐覆之卵小溫轉徙虛筐而上下之晝夜六七
徙凡十有一日而登之床亦以衣被重覆其上時旋減之一
月而雛出矣阮通志

呂誠字允通號靜菴南海沙丸堡人順天壬午鄉薦韶州司
訓善寫竹有名於時采訪冊

李秩字叔典香山欖都人擅相墓術以縮動平攔四字爲宗
旨性尤敦義鄉里窮者隱周恤之嘉靖丙申大饑鄉人失業

乃計口給粥或以錢穀與之存活者眾邑令獎以羊酒著有

關徑集四卷

采訪冊

萬國楨字伯文南海人萬厯末貢生善水墨花卉寫竹自謂

得玉局遺法閒作翎羽俱工

畫史會要

朱完字季美南海九江堡人諸生有文名能詩工篆隸曾定

許氏說文行世尤以墨竹擅長與萬國楨齊名

徐沁明畫錄九江鄉志

孔伯明南海疊滄堡人事父母以孝聞能詩善畫士女用筆

絕細緻畫院曾以萬綠叢中紅一點試士伯明取少陵天寒

翠袖薄日暮倚修竹詩意畫美人綠衣倚竹惟朱唇一點風

致嫣然迥非諸士所及遂擢居第一云

采訪冊

陳半仙三水人得異術能闢邪治妖取效異常其術法如空

中落飛鳥彼手持剪而他人頭髮及禽羽能令自斷書紙符

廣州府志

卷一百二十九

列傳二十八

十

念咒符卽自飛粘牆壁紙船送殃劍一揮而船自遠飛去能

取人物輒還之以爲戲及身死其子爲道士法術不傳

張府志

林宅隅字賜宗香山大黃圃人少日至羅浮遇異人葉道士

以女妻之授以道術遊海外二十年而歸以道術捍衛鄉閭

萬厯間海寇紛擾宅隅夫妻築圍嶺巔與鄉人並登畫山成

河漁釣於上寇莫能至鄉人肖像奉祀至今弗衰

采訪冊

詹師香山北山人習廬山道術以符籙治病有失物相誣鬩

者投錢沸油中對錢施咒常入手探輒得如挹清泠盜則灼

爛服罪變幻物態役使鬼神惟以利濟爲心故老尚有能言

之者

香山志采訪冊

賈孺香山下員山人傭也萬厯間至江西習形家言數載歸

邑中巨族名墓多其所擇當時以其夔人子藐之厯今二百

餘年人猶傳頌也

采訪冊

陳孟長居新會厓門稱高逸士黎美周謂其人性巧嗜奇每拾溝中零瓦因其方圓磨礪湊合爲盆盎瓶盂諸器精雅絕倫鄙湛若謂孟長削竹爲筋琢瓦爲釜飾以箴銘疾如風雨使人得其精而忘其粗尙其象而升其質莫不以爲異寶其人深湛好書工吟詠尤善集古矢口成聲隨觸生變如出一

口一時之語

廣東新語

國朝

翟登雲號羽儀東莞人宋進士卷石之後天性孝友尤喜施予博聞強記託跡羅浮山樂道著書旁通醫理在博羅東莞救活多人不責所報明季徵爲鴻臚寺官不就康熙七年舉鄉飲大賓時年八十著有集簡本草翟氏傳方行世子蒙孔

廣州府志

卷一百二十九

列傳二十八

十一

領鄉薦仕廣州教授

金通志

方洪石字礪臣番禺人爲黃老方技之術尤精於醫康熙初大兵討滇逆礪臣不告妻子從彭演之雲南在軍中以醫藥活人不責謝人稱長者常率兵攻戰所至克捷撫滇使者計其功擢呈貢令轉督糧通判後棄官歸築芑園居焉著有治平述要篇芑園日錄二卷

方仰周家傳

洗嘉徵南海人遇異人授以岐黃之術診脉若神

郝通志

陳壽字啟強順德人有才智善推測巡撫李士楨器重之委招撫花山賊首梁文福等薦入欽天監授職年八十四

張府志

蘇才御號璞菴順德西渚人種杏林以濟世爲事求醫者家富僅取藥之所值貧者或反贈以錢米康熙癸巳饑竭力捐賑郡丞顏其閭曰青囊素位

張府志

張穆字穆之號鐵橋東莞布衣也善詩著鐵橋山人藁畫馬
爲嶺表好手嘗讀書於羅浮山石洞得山嵐隱見故畫山水
亦有生氣善擊劍身長三尺年八十餘步履如飛朱檢討錫
鬯贈詩云莫道雄心今老去猶能結客少年場蓋紀實也畫徵

錄

高儼字望公新會人博學工詩畫草書時稱三絕尙藩入粵
聞其名屢辟不就以禮帛求畫者踵相接意稍不合卽麾去
暮年畫益精能於月下作畫視晝時爲尤工嘗以赭石染布
爲野人服冠履俱時異見者無不知其先輩高望公也時又
因其姓稱爲高士望公云年七十有二卒廖燕七十
二松堂集

賴鏡字孟容南海人少讀書增城白水山亦號增水山人逃
禪萬壽寺性雅淡工點染山水筆力遒勁氣格高凝同時有

廣州府志

卷一百二十九

列傳二十八

十二

僧深度者住佛山亦善山水

據郝通志圖繪
寶鑑續纂參修

胡汝巘號淡甯子順德人襟懷瀟灑不與物忤遠近皆欽慕
之性好古今書畫所爲書法行楷篆隸俱臻妙品又爲蘭竹

二譜躍然具有生氣孫家駒乾隆辛酉舉人張府志

王蓋臣增城人少慷慨有俠氣酒酣興至攘臂潑墨作梅花
老榦扶疎有寒崖霜雪之致人獲之如重寶自謂丈夫不辨
調羹手亦當朝探梅花夕夢美人以消遣處士雅懷云張府志

謹案阮通志云張府志作儘臣誤今據增城志改

梁錦里順德大良人好吟詠善數學早潦豐歉微言屢中有
監生何之元宅眷往外白晝被竊木箱其子以問錦里曰此
箱不失在屋後樹下但其中有銀兩包數將十金當失少許
其子以白之元時隣婦在旁箱其所竊也聞之疑被覺察恐

敗露急還之果於樹下尋獲僅少銀錢一圓其明驗類如此
乾隆丙辰舉鄉耆給冠帶年八十二預知卒日屆期召親隣
與訣而逝

張府志

文斗字魁柄一字白雲南海人以畫名子女皆教以丹青家
貧惟資潤筆以給饗餼絕不干謁豪貴性亦好吟尤耽奕家
人不以斷炊告雖求畫者踵至漫應之而已香山令彭翥賢
尹也訪之羊城報資寺贈詩云盡日圖青幃終年卧白雲其
風致可想卒年九十三

粵臺徵雅錄

郭治字元峯南海附貢生精於醫術清遠縣男子患水腫曰
非藥水蒸之不可令以綿被裹肩及踵置巨鑊中竅其蓋而
見首熾薪焉汗透重緜掖之下腫頓消有友人僞爲病者試
之餐而待於門望其至則疾趨入觸而踣或促之床延視之

廣州府志

卷一百二十九

列傳二十八

十三

驚曰五中既亂疾不可爲矣皆笑翌日竟死同時有崔七者
治病亦多奇效聞其名不信匿童男女於幃更迭其手而使
診之既不予方問其故曰陰陽既亂尙可治邪崔服其明遂
定交去著有脈如傷寒論藥性別醫約各一卷惟脈如傷寒

論見存云

阮通志

陳體全南海人家貧性純孝母病癱三年不愈體全露禱西
樵山凡五十餘夜遇採藥翁出籃中青草一莖方書一卷授
之曰嘉子純孝草可療母疾方書習之一生衣食勿慮也然
利濟之心不可忘體全敬謹受教歸進草汁母病立瘳勤誦
方書遂精岐黃治病多奇效手製丸藥施濟貧病者所賴存
活無算年九十餘無疾而終子祖光祖開皆以醫名於世

同上

阮遂松字嵩陽號大生子世居南海官窰五世爲醫遂松幼

失怙恃依雨兄成立博覽好學遇父母諱辰號哭竟日不飲
食爲諸生時年四十未有嗣遂謝青襟搜家傳究醫術精太
素治病多奇效以利濟爲心造門求治者無虛日性仁厚貌
清癯晚年耽仙術喜修煉所著有大生方論三元秘錄七發
眞言玉枕記錫類編惠陽行草諸書順治丁亥無病沐浴就
寢而卒年九十四長子解由鄉薦任訓導

張府志

釋幻鑒順德龍山左氏子爲僧於羅浮屢來佛山爲人治病
有神術暑月行道中見死者諦視之曰此可活也令移死者
陰處徐出一丸納諸口中須臾而甦有患大癰者請治曰是
不必藥強其人拜起十餘次癰便消縮時比之扁鵲

佛山志

陳堯軒名慶雲南海鎮涌堡人父有隱德堯軒好讀易精方
藥常市藥羊城中守價不二凡來買者皆予善藥治病輒效

廣州府志

卷一百二十九

列傳二十八

十四

以故粵人及四方來市藥者多歸堯軒陳觀察昌齊贈句云

奇編紹自孫思邈逸致傳爲韓伯休蓋紀實也

采訪冊

郭適字樂郊南海人山居養靜人品高潔工畫水墨花卉

馮金

伯墨香
居畫識

黃子健字江皋南海平地村人邑增生性沈毅言笑不苟爲
制義文不染時習久困場屋乃肆力於醫嘗謂世人不讀黃
帝張仲景書而自命爲醫是草菅人命也取內經及傷寒論
金匱要畧殫思研慮者二十年遂精其術著有訂正金匱玉
函經集註藏於家

采訪冊

李果吉字吉六香山欖都人精於畫深得黃子久筆意又做
程六無擘斧皴法芭蕉竹蘭水石俱宗之尤長於大米點染
雨景極溟濛之致當徙鄉時人皆點金無術吉竟以此藝受

知於藩府金長史三城人士餽金求之門不停轍資斧賴以

豐饒冊 采訪

陳世堂字明舉番禺大嶺人爲郡生員謹愿有長者風擅文詞鼓琴爲一時之冠精六法潑墨淋漓幽深奧折一出以自然擬明季諸公之作幾莫辨其真贗家藏有唐寅長江萬里圖卷學使夏之蓉願以三百金購之屬其友致意世堂甚貧不爲動復許以歲試一等補廩生世堂曰我之功名豈以畫易哉卒不許藩伯王安國慕其名以禮聘之亦不就老病將死題一絕云寄跡人間七十秋也無榮辱也無憂踏歌歸趁黃花晚始信人生一贅瘤冊 采訪

杜游字善輝番禺貢生援例候補訓導篤好吟詠尤善寫花卉出筆蒼健得白陽石田少谷青藤石濤諸家之勝求者踵

廣州府志

卷一百二十九

列傳二十八

十五

至畫一冊往往酬以數十金游爲人質直好義有某假游三百金以店爲質未幾死其妻欲守節而無以養口游慨然以券還之晚寓慈度寺與南園一水遙通終日作畫吟詩距家咫尺歲時亦不歸卒年五十九著有洛川詩畧南園別墅詩

集洛川隨筆

據香石詩話松心文鈔采訪冊參修

薛大慶字祝釐番禺附生少師事孟佐舜佐舜喜其穎悟以女妻焉後以勞病肝幾死因閉門養疴數年研究醫術窮蘭臺金匱之秘下及元明諸家尋源溯流盡得精要乃用自治數日霍然旣而療人率應手愈名遂大噪年六十三卒子壽恩傳其術季子德恩進士刑部主事冊 采訪

莫顯誠番禺韋涌人大父清華擅醫術顯誠幼喪父大父撫之性聰穎嘗竊大父書讀之戲煮丹藥塾中諸兒有小患輒

爲治之竟效大父奇之乃盡發所藏醫書使之讀並教以製藥用藥諸法既長貫通羣籍洞悉指要妙爲變通大父歿代
行其業名遠出大父上有患鼻中氣若鐵鉅牽貫於腦者痛楚甚顯誠囊藥使嗅之患遂已虎門營兵某膝下生肉顆如豆一無痛癢戲示顯誠曰此何疾顯誠大驚曰此紅線瘡也視之果有紅線繞四週乃求治之曰晚矣其人弗信少頃漸腫痛已而痛劇夜半竟死又副將余德標患牙痠十餘年不愈每痛發起坐不安大吏聞之欲改調檄驗看無可爲計延視之顯誠曰未能卽愈然先斂使不痛俟驗看後治之疾可去也德標大喜卽具舟赴省顯誠於舟中卷藥以紙焚而熏之至省驗看無恙使復任顯誠乃更以藥治之腐骨突出二寸許拔以箝應手而落無所苦月餘愈今莫氏丹藥擅名於

廣州府志

卷一百二十九

列傳二十八

十六

時子孫亦世其業

采訪冊

陳應選字子性番禺人廣州諸生精日者家言著藏書十二卷知欽天監邵太史某甚稱重之同時有梁星朗名斗煥亦

以選擇名

阮通志

梁漢鵬字南溟番禺明經鄉人明算學與羅邊羅星鐸以算教授市廛中時嘉應吳蘭修南海曾釗皆老師宿儒蘭修學算於漢鵬曾釗亦爲延譽遂知名士大夫間道光十二年鄉試主考程恩澤以算學發策無能對者邑人侯康素號淹博歎曰讀書雖多而不學算今爲程公考倒矣乃邀親友數人延鵬共學漢鵬於九章天元皆精熟而開方尤敏捷其講算雖深奧皆以俚淺語聽者解頤凡方圓斜角體迹削象牙爲數十事分合移補不假繪圖見者瞭然浙江徐有壬精算爲

兩廣鹽運使謂人曰廣東無知算者或以告漢鵬漢鵬發問難之徐置之不答也漢鵬又善製火藥以所製藥發烏鎗較啖咭喇藥所及加遠於是靖逆將軍奕山總督祁墳皆延請製藥以示洋人咸驚服所著算書數十篇歿後其子秘不以示人同時有陳寶興煤坑人亦知算著書二卷

采訪冊陳澧撰傳

顧鸞字飛客增城石灘人工詩善行草得索靖銀鈎蠶尾法

嘗言世之字學如好女臨妝專事姿媚終無烈婦態故其書

拙多於巧而骨氣古勁落紙有神時人得其隻字價比兼金

生平不輕爲人作書真蹟遂寥寥矣邑人尹懿亦善書然不

及鸞遠甚

增城志

鄭爵字列上增城高賢舖人弱冠餽於庠爲文根柢理窟結構嚴密慕成宏遺軌尤工書興至濡毫或如蕭子雲上林春

廣州府志

卷一百二十九

列傳二十八

十七

花或如鍾司徒遊天舞鶴邑侯管器重之延爲雙鳳書院山

長凡所作碑誌皆借書其手今邑中士大夫家有藏其真蹟

者珍如重寶

增城志

梁素字見行新會中樂曲江人貧而嗜學尤耽吟誦工書善

畫老於布衣子岱善書畫詩清麗雍正二年粵撫年希堯令

繪粵道形勝圖獻於

朝留岱署中同時有周文龍字從先沙富人遊胡方門善畫

竹與梁素父子爲布衣交

采訪冊

陳國棟字一隅新會人精於醫弱冠省父友梧州協鎮李星

垣以捕盜功官升把總旋往雲南奉檄八緬備嘗艱阻著有

勞績乾隆末家居築槃園草屋吟詠其中其鄉爲西江入海

尾間中有衝途長亘數百丈久爲西潦所塌國棟集鄉人培

築之至今食其利幼師南海何夢瑤夢瑤深於醫國棟衍其傳由是活人甚眾性孝友親歿幾至滅性與弟友愛篤至年近八十無疾卒

采訪冊

胡稔新會中樂金竹里人善奕時稱國手挾楸枰遊海內所至罕與敵者著有奕譜二卷

采訪冊

甘彝講字應達新會甘邊村人祖竹亭業醫父作斯承家學著癆瘵十藥神書一卷作斯嘗治一婦法當下以婦耄不敢遽進罔效命彝講往視竟大下之歸語父父驚曰暮年虛弱奈何下之趨眎已愈鄰村某久患痰疾醫窮於術彝講處方與前醫同唯加童溲爲引前醫歎曰是子聰明我輩愧矣鄰塾少年佯病以試其術診竟愀然曰是死脉不出旬日矣可速歸眾笑爲妄已而果驗遠近神之學者叩其著述曰醫者

廣州府志

卷一百二十九

列傳二十八

十八

意也規矩準繩師資俱在而神明變化存乎一心彼言語文字皆迹也生平作字必端楷雖恩遽無一字急就子常廣孫允枝姪孫允如並以醫知名

采訪冊

李世沛字豐齡新會荷塘人少好讀書工吟精醫遇疫沿門醫病愈不受謝貧無藥資者輒傾囊助名重一時事親孝親歿時食必薦不問市價卒年七十七子獻懷亦以醫名

采訪冊

李元基龍門蓼溪龍江人善醫藥有婦人墜樓首破氣絕元基先灌以丸婦卽甦隨搗生藥敷之數日顱骨自合人驚爲神欲試其技元基到竹林斷一筍而合之藥敷於外翌日筍生如初又有入山誤觸機弩箭入足踝骨中元基敷以藥鏃自出嘗無意中置藥於桌之隅頃間筍拔而桌折其妙技多

類此

采訪冊

何天補字方亭號守愚龍門西樓人國子生少好讀書精岐黃能決踰年生死奇難病必就醫戶常接踵愈不受謝名重一時性易直族人咸仰之卒年七十八子廷橋增貢廷機監生亦以醫名孫搏鵬諸生

采訪冊

劉乾淨順德陳村人其人一無所有錢到手輒盡羣號曰乾淨遂以爲名少好賭嘗隨人往梧州以賭爲居停所逐又遇風雪遂凍死於僧寺門首寺僧救之醒則不依謂平生好賭死便了事救我何爲僧曰豈有見死不救者汝之好賭想亦爲貧我有一術足以自活但不能多取錢耳引之歸授以治驚風治癩移瘡三法皆用符籙蓋祝由科云歸施其術名則漸起碧江梁氏子患驚風死矣有言劉乾淨之神者亟延至則小兒已在地下視之曰尚可醫乃命取香案置水一碗當

廣州府志

卷一百二十九

列傳二十八

十九

天炷香口喃喃有詞身邊取符焚在碗內乃攜小兒起以水灌其口隨灌卽揉其身久之小兒啼矣其母急來抱拒之曰此兒神魂未定抱不得也乃攜小兒於肩出門去過廟則拜過社則拜碧江鄉頗大歸時日已暮其母苦求抱不得辭則曰好視之我在此睡有事須相喚也至夜半子復死乃大驚呼劉馳至曰我說云何知有此耳復視其子曰幸尚可醫乃命具香案如初置水焚符亦如初小兒復活乃又提之出門梁氏以提籠送之其拜廟拜社復如初歸時則天已亮其母不敢復抱於是與小兒同卧起者三晝夜乃還其母而去謝之僅受錢三百自後來借皆以此爲準云是其師所屬也其治癩治瘡亦用符皆有驗生一子極拙遂失傳死時梁氏爲

之殮殯焉

采訪冊

梁才信南海瀾石人少負絕力喜爭鬪嘗徒手與匪等搏勝之匪懷恨翌日挾利刃俟之出不意斫刺交下身被十餘創將死紳士責兇手醫治時有潘姓者善治跌打傷盡技救之幸不死遂與潘結爲父子受其學而益精之爲一時獨步有關姓者年少負重偶蹉跌折其脛骨痛極欲死昇瀾石就醫才信以手揣之曰骨碎矣折可縛碎不可縛也乃飲以麻藥使不知痛癢以銀刀剖其肉鉗去骨之碎者隨用鋸截其口而齊之命買一牂羊最大者生截其腳骨等其分寸大小而代續之乃敷以藥逾月遂能行才信戒之曰汝自後安行緩步甯迂道遠三里勿跳溝求近一步如其言至七十餘乃卒有少年偶迷亂自宮其勢者求醫治才信見其不知痛楚曰此失魂者也使人於耳邊喚之逾時大哭才信曰可矣如法

治之立愈又一孝廉登梯下墮以左手撐地腕骨凸起痛不堪呼醫視之醫曰易耳敷以藥痛卽止而腕凸處不能平手執持無力陰雨時恒作酸楚詣問故曰遲矣當以手撐拄時骨接續處已偏側醫家未將骨夾正遽爲止痛今經時久骨偏處已牢實不能復原位矣其精妙多類此說者謂才信於此事有神悟非守秘方者能及也子某能世其家學

南海志

蘇六朋號枕琴順德水南鄉人父奕舒善醫年九十餘卒六朋善畫山水人物花鳥草蟲無不入妙尤善畫盲公只三兩筆而神采欲活其人物至紙高八九尺則尤爲生動其侍妾及三子一女均能肖筆僉云書畫一家也所著呂祖仙蹟百二十頁又有雅俗求真雲裳畫記藏諸家

采訪冊

湛菊生增城新塘人善刻欖核增城欖核多無肉者故可刻

菊生獨精其技所有刀鑿皆自鍊精鐵而成闢窗東向朝旭初升卽取欖核向窗口雕鏤有事則口銜之過午則不刻云不可刻也世所傳東坡遊舫中爲艙前爲船頭後爲艇尾艙中置一桌三人據案坐旁有僮方扇茶艙後有舵工把舵計凡爲人五爲桌一爲座三爲杯三外爲爐爲吊爲扇爲舵各一艙兩旁有窗窗八扇皆可開合船底刻赤壁賦可謂奇矣然取價不過十金至船頭上有連環圈七者則必需三十金云嘗見其十八子刻十八羅漢山石樹木布置皆極疎落其羅漢亦各有神理尤異者中有羅漢手托一鉢鉢上有一鴿頭向內而足在鉢邊雖細如初生之蝨而頭足皆具確然是鴿直疑鬼工矣未有一牌是雙合而成者其邊悉用工字雕通一邊刻觀音在蓮花座上左爲善財右爲龍女上邊空處

左刻瓶一上插楊枝右刻鸚鵡一口銜十八子念珠一串亦有牌有珠一邊刻心經全文後有欸圖書皆陽文牌後有二珠一圓一尖皆欖核所成兩珠中皆鑿孔孔內各藏一佛視之不背搖之則響云自言技亦人所能惟至底皆平看之似不假刀鑿此則有一日之長云顧奇巧之物成非一朝倉猝之間難覓售主計其所入僅敷中人之產而已是知藝成而下不若德成而上也

采訪冊

崔必鈺字山泉番禺員岡人少磊落負雋才屢試不售乃轉而爲醫其爲醫也於傷寒論金匱外嘗鑽研醫案務究其所以然故發輒破的東溪李悠久病疴神弱服附桂者年餘矣延至診脉脉復微細正在沈吟晤對間忽聞其口臭乃悟爲伏熱也重用黃連而愈是時聲稱藉甚李氏鄰女患目亦來

診至則目睛突出紅根布滿痛不可當必鉦定睛看之見紅根旁有白氣曰此虛症也再服涼藥則盲矣乃重用細辛而愈同鄉梁氏子患大熱未發也往診之曰此大承氣湯症也然不發則藥不能攻乃先令吞黑錫丹三十粒而煎大承氣湯待之食頃果發狂灌以大承氣湯始復貼然市橋謝建勳患吐衄症甚急延至則以人參生地大黃硃砂作方通市譁然不肯與藥必鉦力持之衄亦竟止其生平精心思索不肯蹈襲恒蹊皆此類也必鉦善飲工詩少年志氣不可一世及家既中落醫亦以爲奇而去之骯髒不平之氣時見於詩嘗適梧州席間有詩曰參軍詞賦猶蠻語小部琵琶自楚聲又曰鬱灘東下流何極長伴閒愁繞郡城其牢騷可見矣晚年復不能飲鬱鬱寡歡而卒年六十二卒後其子搜遺稿得詩

廣州府志

卷一百二十九

列傳二十八

二十二

二卷藏於家同時有汪鳴岐字藥洲者捕屬人亦以醫名於沙菱其爲醫不事求奇而症亦不失與必鉦交最厚遇危難症往往互相替代恒得活焉論者謂汪氏之學由景岳之重濁而出以輕清尤不可及云

采訪冊

南海李徵霽分纂

番禺史悠履初校

番禺史悠乾再校

番禺金佑基三校

南海顏以湘四校

廣州府志卷一百三十九終